

**Dumonda Troncana-Sauer concernent la realisaziun da l'incumbensa concernent emprests da daners NPR;  
garanzias communalas**

L'october 2016 è vegnida acceptada – cunter la voluntad da la regenza – l'incumbensa concernent la garanzia communalala per emprests da daners NPR cun 72 cunter 16 vuschs e 20 abstenziuns. A chaschun da la debatta dals 19 d'october 2016 ha signur cusseglier guvernativ Parolini rendì attent che la tenuta da valurs da fonds per il svilup regiunal a lunga vista è francada en la lescha federala davart la politica regiunala. Ultra da quai ha el argumentà ch'il chantun stoppia integrar en la bilantscha la segunda mesadad da l'emprest federal sco obligaziun eventuala, sche l'incumbensa vegniss acceptada. Quai vul pia dir ch'il chantun Grischun vul distgargiar la confederaziun da mintga ristga per quests emprests NPR.

Las sutsegnadras ed ils sutsegnaders dumondan perquai:

1. Tge mesiras/midadas da lescha èn necessarias da vart dal chantun, per che questa incumbensa possa vegnir realisada?
2. Datti contracts cun la confederaziun che stuessan vegnir midads en cas d'ina realisaziun?
3. Quantas garanzias communalas existentas (dumber e summa totala) stuessan vegnir adattadas tras il chantun?
4. Cura ha la regenza l'intenziun da realisar l'incumbensa?
5. Pertge vul il chantun distgargiar la confederaziun da mintga ristga per quests emprests, schebain ch'er la confederaziun è – tenor la lescha federala – pronta da surpigiar 50 % da la ristga per ses emprest?

Cuira, ils 13 da favrer 2018

**Troncana-Sauer**, Sax, Albertin, Brandenburger, Burkhardt, Caduff, Caluori, Casanova-Marion (Domat), Casutt-Derungs, Cavegn, Caviezel (Tavau Clavadel), Claus, Clavadetscher, Cramer, Davaz, Della Vedova, Dosch, Fasani, Felix (Scuol), Gunzinger, Hartmann, Heiz, Hitz-Rusch, Holzinger-Loretz, Jenny, Kunz (Cuira), Kuoni, Marti, Michael (Castasegna), Nay, Niederer, Niggli (Samedan), Paterlini, Pfäffli, Salis, Schutz, Steck-Rauch, Stiffler (Cuira), Tenchio, Thomann-Frank, Tomaschett-Berther (Trun), Valär, Vetsch (Pragg-Jenaz), Weidmann, Wieland, Berther (Segnas)